

欽定續通志



欽定續通志卷五百三十八

儒林傳

臣等謹按司馬遷史記立儒林傳歷代因之唐以後諸史若新舊唐書及元史皆稱儒學宋史則于儒林之外別立道學一門意在推崇周程張邵朱數大儒然於體例未當昔人已多譏之者且亦第可施之于宋通史固不能援以爲例也今依鄭氏例裒輯諸傳自唐迄元統曰儒林間有重加刪節改入別類者以其爲士流趨向所繫持擇宜嚴不敢沿訛襲謬云

唐一

曹憲

魏模許淹公孫

王恭

馬嘉運

賈公彥

大隱李玄植

張後胤

蓋文達

文懿

谷那律

從政

許叔牙

敬播

劉伯莊秦景通

羅道琮

耶餘令

徐齊聃

堅

沈伯儀

路敬淳

敬清

王元感

彭景直

盧榮

尹

知章

張齊賢

柳沖

馬懷素

殷踐猷

亮

曹憲揚州江都人仕隋爲祕書學士聚徒教授凡數百人公卿多從之游於小學家尤邃自漢杜林衛宏以後古文亡絕至憲復興煬帝令與諸儒譔桂苑珠叢規正文字又註廣雅學者推其該洽藏於祕書貞觀中揚州長史李襲譽薦之以弘文館學士召不至卽家拜朝政大夫當世榮之太宗嘗讀書有奇難字輒遣使者問憲憲具爲音注援證詳明帝咨賞之卒年百餘歲憲始以梁昭明太子文選授諸生而同郡魏模公孫羅江夏李善相繼傳授於是其學大興句容許淹者自浮屠還爲儒多識廣聞精故訓與羅等並名家羅官沛王府參軍事無錫丞模武后時爲左拾遺子景倩亦世其學善見子邕傳

王恭滑州白馬人少篤學教授鄉閭弟子數百人貞觀初召拜太學博士講三禮別爲義證甚精博蓋文懿文達皆當時大儒每講三禮皆徧舉先儒義而必暢恭所說

王恭馬嘉運原附孔穎達傳後今穎達移入聖裔特析爲專傳

馬嘉運魏州繁水人少爲沙門還治儒學長論議貞觀初累除越王東閣祭酒退隱白鹿山諸方來授業至千人十一年召拜太學博士弘文館學士以孔穎達正義繁冗摘其疵諸儒咸服其精高宗爲太子引爲崇賢館學士數與洗馬秦暉侍講宮中終國子博士

按唐書原有徐囁陸元期歐陽詢朱子齊張士衡諸傳俱以經仕隋朝並移入文苑

賈公彥洛州永年人永徽中官至太學博士撰次章句甚多子大隱儀鳳中爲太常博士累遷中書舍人垂拱中博士周憬請武氏廟爲七室唐廟爲五下比諸侯大隱奏秦漢母后稱制未有戾古越禮者憬損國廟數悖大義不可以訓武后不獲已僞聽之時皆服其持正終禮部侍郎公彥傳業於趙州李玄植玄植又受左氏春秋於王德韶受詩於齊威該覽子史百家貞觀間爲弘文館直學士高宗時數召見與方士浮屠講說玄植以帝闇弱頗申規諷帝禮之後坐事遷巴令

舊書作巴令按賈公彥傳新書附張士衡傳後今依舊書

張後盾字嗣宗蘇州崑山人祖僧紹梁零陵太守父冲

舊書作冲

陳國子博士入隋爲漢王諒并州博士後盾甫冠以

學行稱高祖鎮太原引爲客以經授秦王義寧初爲齊王文學封新野縣公武德中擢員外散騎侍郎太宗卽位進燕王諮議從王入朝召見初帝在太原嘗問隋運將終得天下者何姓答曰公家德業天下繫心若順天而動自河以北指揮可定然後長驅關右帝業可成至是自陳所言帝曰是事未始忘之乃賜宴月池帝命羣臣以春秋酬難曰朕昔受大誼於君今尙記之後盾頓首謝曰陛下乃生知臣叨天功爲己力罪也帝大悅遷燕王府司馬出爲睦州刺史乞骸骨帝見其彊力問欲何官因陳謝不敢帝曰朕從卿受經卿從朕求官何所疑後盾頓首

願得國子祭酒授之尋遷散騎常侍永徽中致仕加金紫光祿大夫朝朔望祿賜防閑如舊卒贈禮部尚書唐書

部侍郎諡曰康陪葬昭陵

蓋文達冀州信都人博涉前載尤明春秋三家刺史竇抗集諸生講論時耆儒劉焯劉軌思孔穎達咸在坐而文

達依經辯舉皆諸儒意所未叩一坐厭嘆抗奇之問安所從學焯曰若人岐嶷出自天然以多問寡則焯爲之師

抗曰冰生於水而寒於水其謂此邪武德中授國子助教爲秦王文學館直學士貞觀初舊書作貞觀十年擢諫議大夫

兼弘文館學士爲蜀王師以王有罪坐免後除崇賢館學士卒其宗人文懿亦以儒學稱舊書云文懿州宋城人當時號二

蓋高祖於祕書省置學以教王公子文懿爲國子助教既升席公卿更相質問文懿譬曉密微達近宗仰終國子

博士

谷那律魏州昌樂人貞觀中累遷國子博士淹識羣書緒遂良嘗稱爲九經庫遷諫議大夫兼弘文館學士從太

宗出獵遇雨沾漬因問曰雨衣若爲而無漏邪那律曰以瓦爲之當不漏帝悅其直賜帛二百段永徽初卒官孫

倚相仕爲祕書省正字讐覆圖書多所刊定倚相子崇義天寶末爲幽州大將以雄敢聞歷左金吾衛大將軍遂

客葡萄酒崇義子從政略涉儒學有風操事李寶臣歷定州刺史封清江郡王寶臣及張孝忠妻其女兄弟也寶臣

初倚任晚稍疏忌從政乃闔門謝交游及寶臣子惟岳知節度與田悅謀拒天子命從政諫曰上神斷細諸侯欲

致太平爾者與燕有切骨恨天子致討命帥莫先於燕誅怨復讐必盡力後已前日爾者誅大將百餘子弟存者

常不平乘危相覆誰不能爾昔魏有洛相之圖王師四集身投零陵仰天垂泣不知所出賴爾者保佑頓兵不進

而先帝寬厚僅獲赦貸不然田氏尙有種乎今悅兇猶孰與承嗣爾又幼富貴不出戶庭便欲旅拒且人心難知

天道難欺軍中諸將乘危投隙自古豈少哉今圖久安計莫若令而兄惟誠攝留後爾速入宿衛則福祿可保矣
不納從政移疾不出惟岳所信王他奴等疑其怨望日伺之從政懼乃吐血卽仰藥死曰吾不恨死痛渠覆宗矣
後惟岳被殺於王武俊如其揣云

許叔牙字延基潤州句容人貞觀時遷晉王府參軍事弘文館直學士按舊書作累授晉王文學兼侍讀遷於詩
太子洗馬兼崇賢館學士與新書異於詩
禮尤寔獻詩纂義十篇太子令寫本付司經局御史大夫高智周見之曰欲明詩者宜先讀此二十三年卒按叔牙原

附蕭德言傳後今德言
移入文苑故析爲專傳

敬播蒲州河東人貞觀初擢進士第時顏師古孔穎達譔次隋史詔播詣祕書內省參纂再遷著作佐郎兼修國
史從太宗入高麗帝名所戰山爲駐蹕播謂人曰鑾輿不復東矣山所以名蓋天意也其後果然遷太子司議郎
時初置是官尤清近中書令馬周嘆曰恨資品妄高不得歷此職又與令狐德棻等譔晉書凡例皆播所發也有
司建言謀反大逆惟父子坐死不及兄弟請更議詔羣臣議播曰兄弟雖孔懷之重然比於父子則輕故生有異
室死有別宗今高官重爵本蔭唯速子孫而不及昆季烏有榮隔其蔭而罪均其罰詔從播議永徽後仕益貴歷
諫議大夫給事中始播與許敬宗譔高祖實錄紀其創業盡貞觀十四年至是又譔太宗實錄訖二十三年坐事
出爲越州長史徙安州龍朔三年卒房玄齡嘗患顏師古注漢書文繁令撮其要爲四十卷是時漢書學大興其
章章者若劉伯莊秦景通兄弟劉訥言皆名家伯莊者彭城人爲弘文館學士遷國子博士與許敬宗等論譔甚
多終崇賢館學士自所著書亦百餘篇子之宏世其學武后時以著作郎兼修國史終相王府司馬睿宗立贈祕
書監景通晉陵人與弟暉俱有名皆精漢書號大秦君小秦君當時治漢書非其授者以爲無法云景通仕至太

子洗馬兼崇賢館學士暉後復踐其官及職唐書此下附劉訥言傳相訥言爲太子洗馬

羅道琮蒲州虞鄉人慨慷尚節義貞觀末上書忤旨徙嶺表有同斥者死荆襄簡臨終泣曰人生有死獨委骨異

壤邪道琮曰吾若還終不使君獨留此瘞路左去歲餘遇赦歸會霖潦積水失其殯處道琮慟諸野波中忽若溢

沸者道琮曰若屍在可再沸祝已水復湧乃得屍負之還鄉尋擢明經仕至太學博士爲時名儒

郎餘令定州新樂人祖顥字楚之與兄蔚之俱有名隋大業中爲尚書民曹郎蔚之位左丞煬帝語稱二郎武德

時顥以大理卿封常山郡公與李綱陳叔達定律令持節諭山東爲竇建德所獲脅以白刃終不屈賊平以老乞

身貞觀初卒諡曰平父知運貝州刺史餘令博於學擢進士第授霍王元軌府參軍事從父知年亦爲王友元軌

每曰郎家二賢皆入府不意培塿而松柏爲林也徙幽州錄事參軍有爲浮屠者積薪自焚長史裴斐率官屬將

觀焉餘令曰人好生惡死情也彼違蔑教義反其所欲公當察之母輕往斐試廉按果得其姦孝敬在東宮餘令

以梁元帝有孝德傳更譏後傳數十篇獻太子太子嗟重改著作佐郎卒按唐書此下有餘令兄餘慶附傳今刪

徐齊聃字將道湖州長城人世客馮翊梁慈源侯整四世孫八歲能文太宗召試賜所佩金削刀舉弘文生調曹

王府參軍高宗時爲潞王府文學崇文館學士侍皇太子講修書于芳林門時姑爲帝婕妤嫌以恩進求出爲桃

林令召爲沛王侍讀再遷司議郎皆不就累進西臺舍人長孫無忌以讒死家廟毀頓齊聃言於帝曰齊獻公陞

下外祖雖後嗣有罪不宜毀及先廟今周忠孝公廟反崇飾踰制恐非所以示海內帝悟有詔復獻公官以無忌

孫延主其祀齊聃善文誥帝愛之令侍皇太子及諸王屬文以職樞劇許間日一至坐漏禁中事貶蘄州司馬舊

次定齊重志卷五十三儒林傳

堅字元固幼有敏性沛王聞其名召見授紙爲賦異之舉秀才及第爲汾州參軍事遷萬年主簿天授三年上言書有五聽令有三覆慮失情也比犯大逆詔使者勘當得實輒決人命至重萬有一不實欲訴無由以就赤族豈不痛哉此不足檢下之姦亂適長使人威福耳臣請如令覆奏如死者無恨又古者罰不逮嗣故郤芮亂國而缺升諸朝嵇康蒙戮而紹死於難則於它親不復致疑今選部廣責逆人親屬至無服者尙數十條且詔書與逆回堂親不任京畿總麻親不得侍衛臣請如詔書外一切不禁以申曠蕩聖厯中東郡留守楊再思王方慶共引爲判官方慶善禮樂嘗就質疑晦堅爲申釋常得所未聞屬文典厚再思每目爲鳳閣舍人樣與徐彥伯劉知幾張說與修三教珠英時張昌宗李嶠總領彌年不下筆堅與說專意譏綜條彙粗立諸儒因之乃成書累遷給事中封慈源縣子中宗怒韋月將欲卽斬之堅奏盛夏生長請須秋乃決時申救者亦衆得以撓死俄以禮部侍郎爲修文館學士睿宗卽位授太子左庶子兼崇文館學士修史進東海郡公遷黃門侍郎按舊書載自刑部侍郎加銀青光祿大夫拜左散騎

常侍轉黃門侍郎又敕封東海郡公於玄宗朝與此互異

時監察御史李知古兵擊姚州河蠻降之又請築城使輸賦徭堅議蠻方羈縻以

屬不宜與中國同法恐勞師遠伐益不償損不聽詔知古發劍南兵築城堡列州縣知古因是欲誅其豪酋入子女爲奴婢蠻懼殺知古相率潰叛姚耨路閉不通者數年初太平公主用事武攸暨屢邀請堅堅不許又以妻岑義女弟固辭機密轉太子詹事曰吾非求高逃禍耳義敗不染於惡出爲絳州刺史數外徙久乃遷祕書監左散騎常侍玄宗改麗正書院爲集賢院以堅充學士副張說知院事帝大酺集賢帳舍在百司上說令揭大榜以修其寵堅見遽命撤之曰君子烏取多尙人從上泰山以參定儀典加光祿大夫堅寬厚長者於典故多所諳識凡七當議次高選卒帝悼惜遣使就弔贈太子少保諡曰文齊聘姑長爲太宗充容仲爲高宗婕妤皆明圖史議者

以堅父子如漢班氏堅子嶠字巨山開元中爲駕部員外郎集賢院直學士遷中書舍人內供奉河南尹封慈源縣公父子相次爲學士自祖及孫三世爲中書舍人

沈伯儀湖州吳興人武后時爲太子右諭德初太常少卿韋蕝石議明堂大享事言鄭玄說祀五天帝王肅謂祀五行帝貞觀禮從鄭至顯慶禮祀昊天上帝乾封詔書祀五天帝兼祀昊天上帝詔書從貞觀禮儀鳳初詔祀事一用周制今應何樂高宗乃詔尙書省集諸儒議未能定於是大享參用貞觀顯慶二禮垂拱元年成均助教孔玄義奏嚴父莫大於配天天於萬物爲最大推父偶天孝之大尊之極也易稱先王作樂崇德殷薦之上帝以配祖考上帝天也昊天之祭宜祖考並配請以太宗高宗配上帝於圜丘神堯皇帝配感帝於南郊祭法祖文王宗武王祖始也宗尊也一名而有二義經稱宗祀王文王當祖而云宗包武王以言也知明堂以祖考配與二經合伯儀曰有虞氏禘黃帝而郊嚳祖顓頊而宗堯夏后氏禘黃帝而郊鯀祖顓頊而宗禹殷人禘嚳而郊冥祖契而宗湯周人禘嚳而郊稷祖文王而宗武王鄭玄曰禘郊祖宗皆配食也祭昊天圜丘曰禘祭上帝南郊曰郊祭五帝五神明堂曰祖宗此爲最詳虞夏退顓頊郊嚳殷捨契郊冥去取違舛惟周得禮之序至明堂始兩配焉文王上配五帝武王下配五神別父子也經曰嚴父莫大於配天又曰宗祀文王於明堂以配上帝下言嚴武王以配天則武王雖在明堂未齊於配雖同祭而終爲一主也緯曰后稷爲天地主文王爲五帝宗若一神而兩祭之則薦獻數瀆此神無二主也貞觀永徽禮實專配由顯慶後始兼尊焉今請以高祖配圜丘方澤太宗配南北郊高宗配五天帝鳳閣舍人元萬頃范履冰等議今禮昊天上帝等五祀咸奉高祖太宗兼配以申孝也詩昊天章二后受之易薦上帝配祖考有兼配義高祖太宗旣先配五祀當如舊請奉高祖歷配焉自是郊丘三帝並配云

伯儀歷國子祭酒修文館學士卒

路敬淳貝州臨清人父文逸遇隋季大亂闔門死於盜文逸遁免流離辛苦自傷家多難閉口不食行者哀其窮
疆飲食之更負以行乃得脫貞觀末官申州司馬敬淳少力學足不履門居親喪倚廬不出者三年服除號慟入
門形容癯毀妻不之識後擢進士第天授中再遷太子司議郎兼修國史崇賢館學士數受詔纂輯慶卹儀典武
后稱之尤明姓系自魏晉以降推本其來皆有條序著姓略衣冠系錄等百餘篇後坐與綦連耀父通下獄死神
龍初贈祕書少監弟敬潛少與敬淳齊名位至中書舍人唐初姓譜學惟敬淳名家其後柳沖韋述蕭穎士孔至
各有譏次然皆本之路氏

王元感濮州鄆城人擢明經高第補博城丞紀王慎爲兗州都督厚加禮敕其子東平王續往受業天授中稍遷
左衛率府錄事兼直弘文館武后時已郊遂享明堂封嵩山詔與韋叔夏等章儀注衆推其練洽轉四門博士仍
直弘文館年雖老讀書不廢夜表上所撰書糾繆春秋振滯禮繩愆等凡數十百篇旬官筆楮寫藏祕書有詔弘
文崇賢兩館學士成均博士議可否祝欽明郭山惲李憲等本章句家見元感誠先儒同異不憚數沮詰其言元
感緣罅中釋竟不訕魏知古見其書歎曰五經指南也而徐堅劉知幾張思敬等惜其異聞每爲助理聯疏薦之
遂下詔褒美以爲儒宗拜太子司議郎兼崇賢館學士中宗以東宮舊僚加朝散大夫卒

按唐書此下有王紹宗傳以行無可錄今刪

彭景直瀛州河閒人中宗景龍末爲太常博士時獻昭乾三陵皆日祭景直上言在禮陵不日祭宗廟有月祭故
王者設廟祧壇墀爲親疏多少之殺立七廟一壇一墀曰考廟曰王考廟曰皇考廟曰顯考廟皆月祭遠廟爲祧
享嘗乃止去祧爲壇去壇爲墀有禘祭之無禘乃止譙周曰天子始祖高祖曾祖祖考之廟皆朔加薦以象生時

朔食號月祭二祧廟不月祭則古無日祭者今諸陵朔望進食近古之殷事諸節進食近古之薦新鄭玄曰殷事月之朔半薦新莫也於儀禮朔半日猶常日朝夕也既大祥卽四時焉此其祭皆在廟云近世始以朔望諸節祭陵寢唯四時及臘五享於廟尋經質禮無日祭於陵之文漢時京師自高祖下至宣帝與太上皇悼皇考陵旁立廟園名有寢便殿故日祭諸寢月祭諸便殿賈禹以禮節煩數白元帝願罷郡國廟丞相韋玄成等後因議七廟外寢園皆無復修議者亦以祭不欲數宜復古四時祭於廟劉歆引春秋外傳曰祖禰日祭曾高月祀二祧時享壇墠歲貢魏晉以降不祭墓臣謂宜罷諸陵日祭如禮便帝不從因下詔有司言諸陵不當日進食夫禮以人情爲之沿革何專古而泥所聞乾陵宜朝晡進奠昭獻陵日一進或所司乏於費可減朕常膳爲之中宗崩葬定陵有司議以和思皇后祔葬后爲武后所殺不得其喪所將招魂合諸梓宮景直曰招魂古無傳不可請如橋山藏衣冠故事納后禕衣復寢宮舉衣魂輅告以太牢內之方中奉帝梓棺右覆以夷衾衆當其言制曰可景直後歷禮部郎中卒

盧粲幽州范陽人後魏侍中陽烏五世孫祖彥卿亦善著書

按舊書云彥卿撰後魏紀二
十卷行於時官至合肥令

粲始冠擢進士第神龍

舊書作景
龍二年

累遷給事中時節愍太子立韋后疾之諷中宗以衛府封物給東宮粲駁奏太子七愆主歲時服用

宜取于百司周禮諸用財器歲終則會唯王及太子不會今乃與諸王齊衡非所謂憲章古昔者詔可武崇訓死詔墓視陵制粲曰凡王公主墓無稱陵者唯永泰公主事出特制非後人所援比崇訓塋兆請視諸王詔曰安樂公主與永泰不異崇訓於主當同穴爲陵不疑粲執奏曰陵之稱本施尊極崇訓之親不及雍王雍墓不稱陵崇訓安得緣主而假是名詔可主大怒出粲陳州刺史粲曰苟所論得行雖遠何憚開元初爲祕書少監其從父行

嘉仕爲雍王記室亦以學聞累封固安縣侯終邠王傳卒諡曰景

尹知章絳州翼城人少勤學夢人持巨鑿破其心以藥納之自是日益開朗盡通諸經精義長安中擢定王府文學遷太常博士中宗時議者欲以涼武昭王爲始祖以備七廟之數知章議武昭遠世非王業所因乃止出爲陸渾令坐事輒棄官去時散騎常侍解琬亦罷歸與知章覃思經術舉訢訢然睿宗卽位張說表諸朝擢禮部員外郎轉國子博士馬懷素緒定祕書奏知章是正文字每休沐講授不輟於易老莊書尤懸解弟子貧者賙給之性和厚人不見有喜愠未嘗問產業其子欲廣市樵米爲歲中計知章曰如而計則貧人何以取資且吾尙應奪民利邪開元六年卒官所注傳頗多行于時門人孫季良等頌其德刻著東都國子監門外季良河南偃師人一名翌仕歷左拾遺集賢院直學士

張齊賢陝州人聖歷初爲太常奉禮郎武后詔百官議告朔於明堂讀時令布政事京官九品以上四方朝集使皆列於廷太常博士辟闔仁諝曰經無天子月告朔唯玉藻天子聽朔南門之外周禮太宰以正月之吉布政於邦國都鄙干寶曰建子月告朔日也此玉藻聽朔同義今元日讀時令合古聽朔事獨鄭玄以秦制月令有五帝五官因言聽朔必以特牲告時帝及神以文王武王配其言非是月令曰其帝太昊其神勾芒謂宣令告人使奉時務業月皆有令故云非天子月朔以配帝祭也告朔者諸侯禮也春秋旣視朔遂登臺玄又說人君月告朔於廟其祭爲朝享魯自文公始不視朔明非天子所行玄謂告帝卽人帝神卽重黎五官不言天子拜祭臣請罷告朔月祭以應古禮齊賢不聽其說質曰穀梁氏稱閏月天子不告朔它月故告朔矣左氏言魯不告閏朔爲棄時政則諸侯雖閏告朔矣周太史頒朔於邦國玉藻閏月王居門是天子雖閏亦告朔二家去聖不遠所載當弗繆

今議者乃以太宰正月之吉布治邦國而言天子元日一告朔殊失其有一歲之元六官自布所職之典于寶謂吉爲朔故世人謬吉爲告據繆失經不得爲法議者又引左氏說專在諸侯不知玉藻與左說正同而獨於天子言歲首一告何去取之恣也又謂時帝五人帝也玄於時帝包天人故以文武作配是並告兩五帝爲不疑諸侯受朔天子藏于廟天子受朔于天宜在明堂故告時帝配祖考議者曰天子月告祭頒朔則諸侯安得藏之故太宰歲首布一歲事太史頒之也是不然周太史頒朔邦國是總頒十二朔於諸侯天子猶月告者頒官府都鄙也內外異言之也禮不可罷鳳閣侍郎王方慶又推言明堂布政之宮所以明天氣統萬物也漢儒以明堂太廟爲一宗祀其祖而配上帝取宗祀曰清廟正室爲太室向陽爲明堂建學爲太學闔水爲辟雍異名同事古之制也天子以正月上辛總受十二月政于南郊還藏于祖廟月取一政班之明堂諸侯則受于天子藏之祖廟月取一政行之于國王者以其禮告廟謂之告朔視月之政謂之視朔玉藻玄冕而朝日東門之外聽朔南門之外鄭玄說明堂在國陽就其時之堂而聽朔焉卒事宿路寢今元日通天宮受朝有司遂讀時令布政事古之禮也舊說天子歲入明堂者十八大亨一月告朔十二四時迎氣四巡狩之歲一今議者唯許歲首一入不亦隘乎陛下幸建明堂遵用告朔事若月一聽則近於煩每孟月視朔惟制定其禮臣下不敢專成均博士吳揚吾等共言秦滅學告朔廢今用四孟月季夏至明堂告五時帝堂上請兼如齊賢方慶議不數歲禮亦廢久之齊賢遷博士時東都置太社禮部尙書祝欽明問禮官博士周家田主用所宜木今社主石奈何齊賢與太常少卿韋叔夏國子司業郭山惲尹知章等議春秋君以軍行祓社釁鼓祝奉以從故曰不用命戮於社社稷主用石以可奉而行也崔靈恩曰社主用石以地產最實歟呂氏春秋言殷人社用石後魏天平中遷太社石主其來尙矣周之田主用所

宜木其民間之社歟非大社也於是舊主長丈有六尺方尺七寸問博士云何齊賢等議社主之制禮無傳天子親征載以行則非過重禮社祭土主陰氣韓詩外傳天子大社方五丈諸侯半之五土數社主宜長五尺以準數五方一尺以準陰偶剡其上以象物生方其下以象地體埋半土中本末均也請度以古尺云又問社稷壇隨四方用色而中不數尺冒黃土謂何齊賢等曰天子大社度廣五丈分四方上冒黃土象王者覆被四方然則當以黃土覆壇上舊壇上不數尺覆被之狹乖於古於是以方色飾壇四面及陛而黃土全覆上焉祭牲皆太牢其後改先農曰帝社又立帝稷皆齊賢等參定中宗卽位因武后東都廟改爲唐廟議滿七室以涼武昭王爲始祖齊賢上議禮天子七廟尊始封君曰太祖百代不遷始祖無聞焉殷自玄王至湯周后稷至武王皆出太祖後合食有序景皇帝始封唐實爲太祖以世數近故尙在昭穆今乃上引武昭王爲始祖異乎殷周之本高稷也昭王國不世傳後嗣失守景帝實始封唐子孫是承若近捨唐遠引涼不見其可且魏不祖曹參晉不祖司馬卽宋不祖楚元王齊梁不祖蕭何陳隋不祖胡公楊震今謂昭王爲祖可乎漢以周郊后稷議欲郊堯杜林以爲周興自后稷漢業特起功不緣堯卒不果郊武德初定去昭王尤近不託祖者不可故也今而立之非祖宗意博士劉承慶尹知章又言受命之君王迹有淺深代系有遠邇祖以功昭穆以親有功者不遷親盡者毀今不宜以廟數未備引當遷之主於昭穆上苟充七室也景皇帝旣號太祖以世淺猶在大室位則室未當有七非天子廟不當七也大帝神主旣耐宣皇帝當遷宣非始祖又無宗號親盡而遷不可復立請仍爲六室詔宰相詳裁於是祝欽明等上言博士等三百人爲兩說齊賢等不祖武昭王劉承慶等請遷宣皇帝臣等欲皆可其奏詔可俄以孝敬皇帝爲義宗列于廟爲七室西京太廟亦如之齊賢累遷諫議大夫卒

柳沖蒲州虞鄉人隋饒州刺史莊曾孫父楚賢大業中爲河北縣長高祖兵興堯君素據郡固守楚賢說曰隋之亡天下共知唐公名在圖錄動以誠信豪英景赴天所贊也君子見幾而作俟終日邪君素不從楚賢潛行自歸授侍御史貞觀中持節册拜突厥辭其遣不受歷交桂二州都督杭州刺史皆有名沖好學多所研總天授初爲司府寺主簿詔遣安撫淮南使還封河東縣男中宗景龍中遷左散騎常侍修國史初太宗命諸儒譏氏族志甄差羣姓其後門胄興替不常沖請改修其書帝詔魏元忠張錫蕭至忠岑義崔湜徐堅劉憲吳兢及沖共取德功時望國籍之家等而次之番部酋長鵠冠帶者析著別品會元忠等繼物故至先天時復詔沖及堅兢魏知古陸象先劉子元等討綴書乃成號姓族系錄恩太子賓客宗王傳昭文館學士以老致仕開元二年詔沖與薛南金復加刊定奏上五年卒

馬懷素字惟白潤州丹徒人客江都師事李善貧無資書樵夜輒然以讀書遂博通經史擢進士第又中文學優贍科補郿尉積勞遷左臺監察御史魏元忠爲張易之搆謫嶺表太僕崔貞慎東宮率獨孤禕之祖道易之怒使人上急變告貞慎等與元忠謀反武后詔懷素按之使者促迫懷素執不從曰貞慎餞流人當得罪以爲謀反則非昔彭越以逆誅樂布奏事尸下漢不坐罪今元忠罪非越比不宜坐餞別之人且陛下操生殺柄欲加之罪自當斷自聖心既付臣按狀惟知守陛下法耳后意解貞慎等乃免宰相李迥秀藉易之勢斂賊諉法懷素劾罷之轉禮部員外郎以十道使黜陟江西處決平恕遷考功覈取實才權貴謁請不能阿撓擢中書舍人內供奉爲修文館直學士開元初爲戶部侍郎封常山縣公進兼昭文館學士篤學手未嘗廢卷謙恭慎畏人推爲長者玄宗詔與褚無量同爲侍讀更日番入既叩閣肩輿以進或行在遠聽乘馬宮中每晏見帝自送迎以師臣禮有詔句

校祕書是時文籍盈漫皆矣朽蟬斷鐵勝紛外懷素建白願下紫微黃門召宿學巨儒就校繆闕又言自齊以前舊籍王儉七志已詳請採近書篇目及前志遺著續儉志以藏祕書詔可卽拜懷素祕書監乃詔國子博士尹知章等分部譚次懷素奏祕書少監盧僔崔河爲修圖書副使祕書郎田可封康子元爲判官然懷素不善著述未能有所緒別會卒贈潤州刺史謚曰文

殷踐猷字伯起陳給事中不害五世從孫博學允通氏族歷數醫方與賀知章陸象先輩迹最善知章嘗號爲五總龜謂龜千年五聚問無不知也初爲杭州參軍舉文儒異等科授祕書省學士用曹州司法參軍兼麗正殿學士以叔父喪哀慟而卒少子寅舉宏辭爲太子校書出爲永寧尉吏侮謾甚寅怒殺之貶澄城丞病且死以母蕭老不忍決及斂其子亮斷指剪髮置棺中自誓事祖母如寅在其後侍蕭疾不脫衣者數年有白鸞巢其楣亮後終給事中杭州刺史

按此下有孔若思傳今收入聖裔

欽定續通志卷五百三十九

儒林傳

唐二

褚无量

元行沖

陳貞節

施敬本

盧履冰

王仲邱

康子元

侯行果

趙冬曦

陸堅

啖助

施士句

韋彤

陳京

暢當

韋公肅

許康佐

褚无量字弘度杭州鹽官人刻意墳典家瀕臨平湖有龍出人皆走觀无量尚幼讀書若不聞眾異之尤精禮與史記擢明經第累除國子博士遷司業兼修文館學士中宗將南郊詔定儀典時祝欽明郭山惲建言皇后爲亞獻无量與太常博士唐紹蔣欽緒固爭以爲郊祀國之大事其折中莫如周禮周禮冬至祭天圜丘不以地配唯始祖爲主亦不以妣配故后不得與又太宗伯凡大祭祀王后不與則攝而薦豆籩徹是后不應助祭又內宰職大祭祀后祿獻則贊瑤簪祭天無祿知此乃宗廟祭耳巾車內司服掌后六服與五路無后祭天之服與路是后不助祭天也惟漢有天地合祭皇后參享事末代黷神事不經見不可爲法時左僕射韋巨源佐欽明故无量議格以母老解官玄宗爲太子復召拜國子司業兼侍讀撰善記以進厚被禮答太子釋奠國學令講經隨端樹義博敏而辯進銀青光祿大夫錫予蕃渥及卽位遷左散騎常侍兼國子祭酒封舒國公母喪廬墓左鹿犯所植松柏无量號訴曰山林不乏忍犯吾學樹耶自是羣鹿馴擾不復根觸无量爲終身不御其肉喪除召復故官以耆老隨仗聽徐行又爲設腰輦許乘入殿中頻上書陳得失開元五年帝將幸東都而太廟壞姚崇建言廟本符堅故殿不宜罷行无量鄙其言以爲不足聽乃上疏曰王者陰盛陽微則先祖見變今後宮非御幸者宜悉出之

以應變異舉俊良擢奢靡輕賦慎刑納諫諍察諂諛繼絕世則天人和會災異訖息帝是崇語車駕遂東无量又上言昔虞舜之狩秩山川徧羣神漢孝景祀黃帝橋山孝武祠舜九疑高祖過魏祭信陵君墓過趙封樂毅後孝章祠桓譚家願陛下所過名山大川邱陵墳衍古帝王賢臣在祀典者並詔致祭自古受命之君必興滅繼絕崇德報功故存人之國大於救人之災立人之後重於封人之墓願到東都收敘唐初逮今功臣世絕者雖在支庶咸得承襲帝納其言卽詔无量祠堯平陽宋璟祠舜蒲阪蘇頌祠禹安邑在所刺史參獻又求武德以來勲臣苗裔紹續其封初內府舊書自高宗時藏宮中甲乙叢倒无量建請繕錄補第以廣祕籍天子詔於東都乾元殿東廂部彙整比无量爲之使因表聞喜尉盧僕江夏尉陸去泰左監門率府胄曹參軍王擇從武陟尉徐楚璧分部讐定衛尉設次光祿給食又詔祕書省司經局昭文崇文二館更相檢讐采天下遺書以益闕文不數年四庫完治帝詔羣臣觀書无量又言貞觀御書皆宰相署尾臣位卑不足以辱請與宰相聯名跋尾不從帝西遷徙書麗正殿更以修書學士爲麗正殿直學士比京官預朝會復詔无量就麗正纂續前功皇太子及四王未就學无量以孝經論語五通獻帝帝曰朕知之矣乃選郝常亨郭謙光潘元祚等爲太子諸王侍讀七年太子齒胄於學詔无量升座講勸百官觀禮厚資賜病困語人以麗正書未畢爲恨卒帝聞悼痛詔宰相曰无量朕師宜用優典於是贈禮部尙書諡曰文所撰述百餘篇沒後有於書殿得講史記至言十二篇上之帝歎息以絹五百足賜其家

按唐書此下附徐安貞傳無跋足錄今刪

元澹字行沖以字顯後魏常山王素蓮之後博學允通故訓及進士第累遷通事舍人狄仁傑器之嘗謂仁傑曰下之事上譬富家儲積以自資也脯腊腍胰以供滋膳參朮芝桂以防疾疢門下充旨味者多矣願備一藥石可